

A R B O**A N U N C I O**

Formulada e rendida a Conta Xeral do Orzamento desta Corporación correspondente o exercicio de 2012, informada pola comisión Especial de Contas en sesión 29 de maio de 2013, expónse ó público cos documentos que a xustifican na Secretaría do Concello, polo prazo de quince días hábiles contados a partir do seguinte ó da inserción do presente anuncio no Boletín Oficial da Provincia, ó obxecto de que os interesados lexítimos poidan examinala e formular por escrito os reparos e observacións que coiden pertinentes durante o expresado prazo de exposición e os oito días seguintes, de conformidade co disposto no art. 211 do R.D.L. 2/2004, do 5 de marzo do texto refundido da lei de facendas locais.

Arbo, a 29 de maio de 2013.—O Alcalde, Xavier Simón Fernández.

2013005212

* * *

CAMBADOS**E D I C T O**

Formulada e rendida a Conta Xeral deste Concello, correspondente ó exercicio 2012, e ditaminada favorablemente pola Comisión Especial de Contas, en sesión celebrada o 29 de maio de 2013, dando cumprimento ó disposto polo artigo 212.3 do Real Decreto Lexislativo 2/2004, de 5 de marzo, polo que se aproba o Texto refundido da Lei Reguladora das Facendas Locais, expónse ó público, polo prazo de quince días hábiles, na Secretaría do Concello, durante os cales, e oito máis, os interesados poderán presenta-las reclamacións, reparos e observacións que coiden oportunas, mediante escritos dirixidos ó Sr. Alcalde-Presidente.

Cambados, a 30 de maio de 2013.—O Alcalde, Luis Aragunde Aragunde.

2013005208

* * *

CANGAS**A N U N C I O**

A Xunta de Goberno Local, en data do 13 de maio de 2013 e ao amparo do acordo de Pleno do 02/12/2005 de delegación na Xunta de Goberno Local do establecemento e da ordenación de prezos públicos pola prestación de servizos no viveiro de empresas acordou aprobar a Ordenanza reguladora do prezo público pola prestación de servizos no viveiro de empresas do Concello de Cangas o que se fai público para o seu xeral coñecemento e en cumprimento do disposto no artigo 70.2 da Lei 7/1985, de 2 de abril, Reguladora das bases do réxime local e o artigo 41 e 47 do Texto refundido da lei reguladora das facendas locais.

**ORDENANZA REGULADORA DO PREZO PÚBLICO POLA PRESTACIÓN DE SERVIZOS
NO VIVEIRO DE EMPRESAS DO CONCELLO DE CANGAS****ARTIGO 1. FUNDAMENTO E OBXECTO**

En virtude do establecido nos artigos 41 a 47 do Texto refundido da lei reguladora das facendas locais, aprobado por Real decreto Lexislativo 2/2004, do 5 de marzo, este Concello establece o prezo público pola prestación de servizos no viveiro de empresas do Concello de Cangas, que se rexerá pola presente ordenanza.

Non se incluírá entre os servizos que se presten as comunicacións telefónicas, o servizo de fax e de fotocopiadora.

ARTIGO 2. OBRIGADOS AO PAGAMENTO

Estarán obrigados ao pagamento do presente prezo público as persoas físicas ou xurídicas adxudicatarias dos locais ou módulos que se poñan á súa disposición no viveiro de empresas do Concello de Cangas.

ARTIGO 3. TARIFAS

O importe mensual será o seguinte para cada un dos locais ou módulos obxecto de cesión no Centro de Iniciativas Empresariais:

Primeiro: Os servizos prestados serán gratuítos no que se refire a apoio, asesoramento e tutoría necesarios para a posta en marcha da empresa.

Segundo: Os usuarios que teñan a cesión temporal dun módulo deberán aboar os seguintes prezos públicos:

<i>Renda</i>	<i>Euros/mes</i>
Despacho A (10 m ²)	60 €
Despacho B (12 m ²)	75 €
Despachos C e D (14 m ²)	100 €

Ao importe destas tarifas seralle de aplicación o imposto sobre o valor engadido, de acordo coa lexislación vixente.

ARTIGO 4. NACEMENTO DA OBRIGACIÓN DE PAGAMENTO

A obrigación de pagamento nace desde o momento en que inicie a utilización do local que corresponda polos adxudicatarios das autorizacións administrativas, xustificandoo mediante acta de inicio da actividade asinada polo Alcalde, o adxudicatario e pola Axente de Desenvolvemento Local.

ARTIGO 5. NORMAS DE XESTIÓN

O Concello, unha vez iniciada a prestación do servizo, procederá a aprobar a liquidación que corresponda, na que constarán os datos precisos para a determinación do importe correspondente á mensuralidade que na mesma se indique, emitindo a factura correspondente.

A periodicidade das liquidacións será mensual e serán pasadas ao cobramento anticipadamente dentro dos cinco primeiros días de cada mes.

O pagamento deste prezo público haberá de facerse efectivo mediante domiciliación bancaria. A estes efectos, os que solicite autorización administrativa para a utilización dos locais virá obrigado a comunicar ao Concello de Cangas, no momento de presentación da solicitude, os datos precisos para proceder á domiciliación das facturas que se aproben. Calquera cambio que se produza nos datos de domiciliación deberán comunicarse antes do día 15 ou o inmediato hábil seguinte do mes anterior a aquel en que vai producir efectos.

Disposición final.

A presente ordenanza entrará en vigor unha vez que se publique o seu texto íntegro no Boletín Oficial de la Provincia.

Cangas, 27 de maio de 2013.—O Alcalde, Jose Enrique Sotelo Villar.

2013004999

* * *